

龍文鞭影

龍文鞭影 下卷

明中楚蕭良有漢冲著

龍眠楊臣諍古度增訂

姪楊縣昌詵宜編次

平原陸 澤霖蒼分較

一先

飛鳧葉令駕鶴緜僊

音符音攝

音鉤

漢王喬河東人明帝時為尚書郎出為葉令漢法畿內長吏節

朔還朝喬每自縣來帝怪其來數而不見車騎令太史伺之將至見其有雙鳧從南來舉羅張之得二鳥乃所賜尚書履也後天下玉棺於堂前喬沐浴寢其中而卒百姓立祠祀之。畿音其又蜀人王喬於北平山得肉芝食之仙去。周靈王太子晉一名迴好吹笙作鳳鳴遊於伊洛之間道士浮

邱生接之上嵩高山三十餘年後見桓良謂曰可
告我家七月七日候我於緜氏山巔至期果乘白
鶴駐山頭可望不可卽俯首謝時人數
日方去因立祠祀之或又稱王子喬

劉晨採藥周頤觀蓮

漢劉晨永平中與阮肇同入天
台山採藥迷路盡望山頭有

桃共取食之下山見渡口流出胡麻飯屑因度山
遇二仙女便喚劉阮姓字因邀至家一切精麗數
客各持三五桃來慶女壻遂行夫婦禮居半載辭
歸諸仙作歌送之至家已傳七世。肇音趙。宋
周敦頤性喜蓮每當盛開輒往觀久之因作愛蓮
說有云香遠益清亭亭淨植可遠觀而不可褻玩
又云蓮花之君子者也皆寓意
深遠公之生平可於此想見

陽公麾日武乙射天

淮南子曰魯陽公與韓構難戰
酣日暮援戈而麾之日爲之反

三舍全性保真不虧其身遭急迫難精通於天也
。淮南子漢淮南王劉安所著書又虞公與夏公

戰日欲落公以劍指日日遂不落。殷王武乙無道爲偶人謂之天神與之博令人爲行天神不勝乃僂辱之又爲革囊盛血仰射之命曰射天在位四祀獵於河渭之間暴雷震死。盛音承

唐宗三鑑劉寵一錢

鑑鏡也唐魏徵卒太宗悲勳謂侍臣曰以銅爲鏡可正衣冠以

古爲鑑可知興替以人爲鑑可明得失朕嘗保此三鑑今魏徵逝亡一鑑矣。漢劉寵爲會稽守徵爲將作監大匠山陰五六老叟各賚百錢爲餞泣曰自明府下車犬不夜吠道不拾遺民不見吏故來相送寵曰吾何政及公等言耶各選一大錢受之

叔武守國李牧備邊

晉重耳出亡曹衛不禮及反國侵曹伐衛衛人出成公於襄牛

以悅於晉甯武子從大夫元咺奉公弟叔武以受盟或訴曰立叔武矣咺子角從公公使殺之咺不廢命奉叔武以入守晉人復成公前驅射殺叔武元咺奔訴於晉公不勝執歸京師魯僖公請之得

釋。牛。喧。喧。上。聲。李。牧。趙。鴈。門。良。將。備。邊。匈。奴。日。擊。牛。享。士。謹。烽。火。多。間。謀。虜。入。則。急。收。保。趙。王。怒。使。代。之。虜。來。出。戰。輒。不。利。復。用。牧。如。前。者。數。歲。士。皆。願。決。一。戰。遂。張。左。右。翼。大。破。虜。十。餘。年。不。敢。犯。邊。○ 課

少翁致鬼樂大求僊

音驚

漢武李夫人卒帝思念不已方士齊人少翁言能致其神乃夜

張燈燭設帷帳陳酒肉令帝居帷帳遙見好女如夫人之貌環幄坐而步又不得就視帝愈益相思悲感作詩令樂府諸音家絃歌之歌曰是耶非耶立而望之翻何姍姍其來遲。幄音岳姍音三。漢武帝以方士樂大爲五利將軍尙公主大見上言曰臣嘗往來海上見安期羨門之屬曰黃金可成河決可塞不死之藥可得僊人可致也帝崇信之使治裝入海求其師後坐誣罔要斬。安期羨門皆僊侶

或臣曹操猛相苻堅

音郁
季漢荀彧淑之孫也何顓許以

之操悅曰吾子房也軍國事悉以諮之後董昭欲

進操九錫密以訪彧曰君子愛人以德不宜如

此操憾之或偶病操饋食發之空器也遂飲藥卒

。顓王平聲又劉季嘗言荀令君至人家坐處常

三日香唐人詩風流三接令公香本此○晉王猛

少貧賤以鬻畚爲業遇異人於嵩高山桓温入關

猛捫蝨與談世務旁若無人温署爲軍謀祭酒以

咨師師爲止其遠行尋因呂婆樓薦相苻堅堅自

謂如立德之遇孔明秦遂以大臨終勸無伐晉

漢家三傑晉室七賢

漢高祖置酒洛陽南宮語諸將

子房鎮撫百姓餽餉不絕吾不如蕭何連師百萬

戰勝攻取吾不如韓信三者皆人傑吾能用之所

以取天下項羽一范增而不能用人所以爲我擒也

羣臣悅服

○晉嵇康文辭壯麗好言老莊而尙奇

三

任俠與陳留阮籍籍兄子咸河內山濤河南向秀
 瑯琊王戎沛人劉伶特相友善有竹林之樂時號
 竹林七賢然皆崇尚虛無輕蔑禮法縱
 酒昏酣遺落世事。稽从山俗从旨誤

居易識字童烏預立

唐白居易始生七月即能展書
 姆指之無二字百試不差後官

至刑部尚書詩數千篇嘗置二妓一名小蠻善舞

一名樊素善歌公詩曰櫻桃樊素口楊柳小蠻腰

一女名金鑾十歲寫北山移文公為買石刻之後

公卒葬龍門山四方過者必奠酒塚前方丈之土

常成泥濘。姆音母女師也婦人五十無子出不

復嫁以婦道教人者濘寧去聲。漢揚雄草太玄

或嘲以玄之尚白雄解之號曰解嘲又有難其太

深者又解之號解難即劉歆亦曰空自苦吾恐後

人用覆醬瓿也雄笑而不應惟桓譚以為必傳子

烏稱神童法言曰吾家童烏九歲預吾立文。嘲

瓜平聲

瓿音剖

黃琬

音遠

對日秦必論天

音論

漢黃琬黃瓊孫建和初正月日食京師不見瓊為魏郡守以狀

聞太后詔問所食多少瓊思其對而未知所况琬

時七歲在側告曰何不言日食之餘如月之初聞

者皆大驚後累官光祿大夫○季漢秦必蜀人吳

使張溫來聘丞相亮同百官往餞促必至溫忽問

曰天有頭乎必曰有詩云乃眷西顧又問有耳乎

曰有天高聽卑詩云鶴鳴于九臯聲聞于天又問

有足乎曰有詩云天步艱難又問有姓乎曰姓

劉何以知之曰當今天子姓劉溫大敬異之

元龍湖海司馬山川

漢陳登字元龍許汜嘗與劉玄德共論人物汜曰元龍湖海之

士豪氣未除劉問故汜曰昔過下邳見元龍無主

客禮自上大床卧使客卧下床劉曰君有國士名

而不留心救世乃求田問舍言無可采是元龍所

諱也如我自當卧百尺樓上卧君於地下何止上

下床之別哉○汜音祀○漢司馬遷大史談之子

生於龍門南遊江淮上會稽探禹穴窺九疑浮沅

龍文便

下卷

一先

四

湘涉汶泗講業齊魯鄉射上鄒嶧山過梁楚以歸
後因李陵事受腐刑乃抽石室金匱之書作史記

音元

操誅呂布臧殺龐涓

季漢呂布據下邳曹操兵至下

泗沂之水灌之月餘布將宋憲魏續等舉城降擒

布斬之。沂音宜邳音皮。臧則刑去膝蓋也孫

臧武子之後龐涓忌害於魏遂以臧名齊淳于髡

使魏以計載歸威王以為師魏伐趙齊田忌用臧

計直搗大梁以解趙圍時涓為魏將臧滅竈誘之

度其夜當至馬陵白書大樹云龐涓死此樹下涓

至取火視之萬弩齊發因自刎曰遂成豎

羽救鉅鹿準策澶淵

秦兵圍趙鉅鹿項羽悉引兵渡

持三日糧以示必死九戰絕其甬道殺蕪角虜王

離諸侯皆從壁上觀楚戰士無不以一當百呼聲

動天諸侯軍備恐項羽召見諸將入轅門無不勝
行而前莫敢仰視由是羽爲上將軍諸侯屬焉。
甬音勇糧道也壁軍壘臨危之謂。○宋真宗朝契
丹大入帝以問寇準準曰陛下此不過五日決
策請帝幸澶淵及至南城敵兵盛衆請駐蹕以觀
軍勢準獨與高瓊同議渡河帝御北城樓敵薄城
下諸士卒迎擊斬獲大半帝還行宮準居城上與
楊億飲博歡歌帝聞喜曰準如此吾復何憂尋射
殺統軍撻覽敵因請盟帝遣曹
利用往議歲幣三十萬而還

應

融丸藥

閻

傲

還

錢

漢應融爲汲縣令祝恬被徵道
得病過其友鄴令謝著著拒之

至汲諸生因往語融融口伯休不世英才當爲國
家幹輔何有默止客舍邂逅不自負哉隨入傳親
爲恬御手自丸藥且制送終之具恬病稍減相對
悲喜凡止數十日強健復故乃別。伯休恬字。
漢閻傲爲郡五官掾太守第五嘗被徵以俸錢百
三十萬寄傲傲埋置堂上後嘗舉家死惟孤孫九

歲曾聞嘗說有錢三十萬寄傲及長大求之傲見
悲喜不勝卽取錢還孫孫曰祖惟言三十萬無百
三十萬傲曰府君病
困謬言耳郎君勿疑

范居讓水吳飲貪泉

南北朝范栢年初見宋明帝因
言及廣州有貪泉帝問卿州有

此水否對曰梁州惟在文川武鄉廉泉讓水又問
卿宅在何處曰臣所居在廉讓之間帝善之授梁
州刺史○晉吳隱之介立有清操與韓康伯鄰康
伯母曰汝居銓衡必舉如此輩人後爲廣州刺史
酌貪泉飲之吟曰古人云此水一軟懷千金試使
夷齊飲終當不易心在治清操愈勵及歸夫人齋
沉香木一片隱之見之投
於湘亭之水○軟音察

薛逢羸馬劉勝寒蟬

唐薛逢登進士遷巴州刺史人
歌曰日出而畊日入而歸吏不

到門夜不掩扉有孩有童願以名垂何以字之薛
孫薛兒晚年阨於宦途策羸馬赴朝值新進士綴

行而出前驅曰回避新郎君逢曰莫貧相阿婆三五少年時也會向東塗西抹來。言亦曾以修飾中式也。漢杜密爲北海相罷歸每謁守令多所陳託同郡劉勝亦自蜀還獨閉門掃軌無所干及太守王昱謂密曰劉季陵高士密知諷已對曰勝位列大夫而知善不薦聞惡無言隱情惜已自同寒蟬此罪人也昱慚謝。季陵勝字

捉刀曹操拂矢賈堅

季漢崔琰聲姿高暢眉目疎朗鬚長四尺魏武將見匈奴使自

以形陋不足威遠乃使琰代操自捉刀立床頭既畢令闖諜問曰魏王何如匈奴使答曰魏王雅望非常然牀頭促刀人乃真英雄也操令追殺此使。琰音掩。○南北朝賈堅仕燕彎弓三石餘烈祖以其善射親試之乃取一牛置百步上召堅曰能中之乎堅曰少壯之時能中今已年老正可中之恪大笑射發一矢拂脊再矢摩腹皆附膚落毛上下如一恪曰復能中乎曰所貴者不中耳中之

何難時年已六十
餘。恪烈祖名

晦肯負國質願親賢

唐徐晦與楊憑善李夷簡彈憑
貶臨賀尉親友無敢送者晦獨

至藍田與別權德輿謂之曰毋乃爲累乎對曰晦
自布衣裳楊公知獎今日遠謫安得不與之別數
日夷簡奏爲御史謝曰平生未奉顏色公何從而
取之夷簡曰君不負楊臨賀肯負國乎。宋范希
文貶饒州舉朝莫敢相送王質獨扶病餞於國門
大臣讓之曰君何自陷朋黨質曰范公天下賢者
質何敢望之若得爲范公黨人公之賜質厚矣九
江王阮每云聽景文論古如讀鄜道元水經注名
山大川貫串周悉咳唾皆成
珠璣。景文質字酈音歷

羅友逢鬼潘谷稱僊

晉羅友襄陽人少有志氣博學
能文會有得郡者桓温集僚佐

餞之友後至温問之友曰中途逢鬼擲揄云只見
汝送人作郡不見人送汝作郡温因表爲襄陽太

茂宏練服子敬青氊

晉王導字茂宏善於因事運機初過江時帑藏空虛維有練數

守。擲掄音耶于舉手相弄也友初從桓温平蜀按行城闕觀宇內外道陌廣狹植種果木多少皆能默記無遺助温以達簡文。宋潘谷精墨法山谷嘗以錦囊貯其墨半丸後飲酒三日發狂赴井死。人下視之跌坐井中手尚持念珠也。因多圖其像坡公詩一朝入海尋李白空看人間畫墨仙

千端鬻之不售而國用不給導患之乃與朝賢各服練布單衣於是士人競服之練遂踴貴乃令主者出賣之端至一金其為時之所慕如此。帑音倘金帛藏也。凡居教地者坐青氊晉王獻之字子敬夜卧齋中偷入其室盜物都盡子敬徐曰偷兒青氊我家舊物可特置之

王奇鴈字韓浦鸞箋

宋王奇贛縣人少為縣吏令題鴈字詩於屏云隻隻銜蘆肯曉

霜盡隨鴛鴦入寒塘奇密續云晚來漁棹驚飛去書破遙天字一行令奇之因激使學後遊京師真

宗偶見其所作詩召見賜第奇作詩云不拜春官
與座主願逢天子作門生官至侍御史。贛音紺
行音杭。唐韓浦與弟洎俱有詞學洎嘗輕浦曰
吾兄爲文繩樞草舍庇風雨而已吾之文直是修
五鳳樓手浦聞之因人遺蜀牋題詩寄洎曰十樣
鸞牋出益州新來寄自浣溪頭老兄得此全無用
助汝添修五鳳樓。洎
音忌庇音祕浣音緩

安之畫地德裕籌邊

唐嚴安之爲治嚴肅立宗嘗賜
酺三日御五鳳樓觀者喧溢樂

不得奏金吾白挺如雨不能止上患之高力士奏
河南丞嚴安之爲理嚴請使止之安之至以手板
畫地曰犯此者死於是三日指其畫以相戒無敢
踰者。酺音蒲飲酒作樂也漢禁不得羣飲賜酺
乃得聚飲食唐無禁而亦賜酺者蓋聚作伎樂高
年得賜酒麪。唐李德裕罷相出爲劍南節度使
乃於蜀郡西建籌邊樓按山川險要南道與蠻人
相接者圖之左西道與吐蕃接者圖之右。劍南

今成都府後德裕閒居有平泉別墅爲遊憩之所
花石園池殊異內有醒酒石醉卧則醒。墅音豎

憩音器
息也

平原十日蘓章二天

秦昭王聞魏齊在平原君所必欲爲范雎報仇乃遣書平原君

曰寡人聞君高義願與爲布衣之友君幸過寡人寡人與君爲十日之飲平原君畏秦且以爲然而

入見昭王與飲數日因索魏齊。漢蘓章爲冀州刺史有故人任清河太守章行部按其奸贓太守

爲設酒殺陳平生之好喜曰人皆有一天我獨有二天章曰今日蘓孺文與故人飲者私恩也明日

冀州刺史案事者公法也遂舉正其罪州境肅然。孺文章字

徐勉風月棄疾雲煙

南北朝徐勉六歲能爲祈霽文見稱耆宿徐孝嗣曰此人中騏

驥必能致千里後仕梁爲吏部尙書嘗與客夜坐有求詹事五官者勉正色曰今夕只可談風月不

宜及公事累官至僕射中書令嘗曰人遣子孫以財我遣子孫以清白。宋辛棄疾理宗朝擁節鉞奉身勇退因以家事付兒曹作西江月云萬事雲煙已過一身蒲柳先衰而今何事最相宜宜醉宜遊宜睡蚤起催科了辦更量出入收支乃翁依舊管些兒管竹管山管水所著有稼軒集自號稼軒居士。

舜欽斗酒法主蒲

義宋蘇舜欽詩歌豪放與梅聖俞齊名好飲酒在外舅杜祈公家

每夕讀書以一斗為率一夕公密視之子美讀漢書張良傳至良與客徂擊始皇撫案曰借乎擊之不中遂滿引一大白又讀至良曰臣始起下邳與上會於畱此天以臣授陛下又撫案曰君臣相遇其難如此復舉一大白公笑曰有如此下酒物一斗不足多也。子美舜欽字祈公杜衍也。唐李密字法主才兼文武志氣雄遠微時乘一黃牛被一蒲羈將漢書一帙挂于角上一手提牛鞞一手